



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCCXXIII. De Combustione duarum villarum.

urn:nbn:de:hbz:466:1-11850

Lethoviam (*) deputati ad custodiam castri Bisene debebant recedere, & alii supervenire, quos ipse & sui complices omnes occiderunt, præter V. qui rejectis armis fugæ præsidio evaserunt.

(*) Desunt quedam. Suppleri forsan lacuna posset, si addantur: *iverunt. Tunc.*

CAP. CCCXXII.

De

Combustione castri Bisene.

Eodem anno in die B. Ambrosii frater Th. de Aldenburg, & frater Fridericus Quitz, & quidam alius frater, cum tribus armigeris de Raganita iverunt versus castrum Bisenam, illo tempore, quo quidam Lethovvini completâ hebdomadâ vicis suæ de custodia dicti castri debebant recedere, & ex eis sex occiderunt: Alii sex dum viderent duos armigeros, quos ad custodiam deputaverant, rejectis armis affugerunt. Post hæc fratres cum armigeris suis, inveniētes dictum castrum vacuum, funditus combusserunt, & sic remansit hoc castrum desolatum usque in præsentem diem.

CAP. CCCXXIII.

De

Combustione duarum villarum.

Eodem anno in æstate frater Hugo Advocatus Sambienfis de mandato Marschalci cum octingentis viris equitavit versus territorium Medenikam, & ordinatis insidiis in loco competenti, fratres de Raganita cum suis intraverunt illud, & combustis duabus villis occisisque viris & captis mulieribus & parvulis, celeriter recesserunt, quos CC. Lethovvini hostiliter sequebantur.

Ccc

Sed

Sed dum viderent exercitum Christianorum, ruptis nimis maturè insidiis fugientes evaserunt.

C A P. CCCXXIV.

Quomodo Deus fratres cum magno exercitu mirabiliter à periculis mortis liberavit.

Anno Domini MCCCXVII. tempore hyemali frater Henricus Marschalcus & fratres & pugnatores de Sambia & Nattangia dum venissent ante territorium Waykinam, in primo somno noctis tempore, audita fuit horrenda intemperies aëris & insolita, quia venti in modum tonitruum tam horribiliter mugiebant, quod præter timorem, qui per hoc hominibus fuit incensus, equi plures quam quingenti fractis frenis & canistris fugiendo discurrerunt per sylvam. Unde factum est, quod equis omnibus præter paucos cum magno labore & tædio recollectis fratrum exercitus est reversus. Postea compertum fuit in veritate, quod magna multitudo infidelium parata in armis fratres & eorum exercitum per tres dies expectavit, & si Christiani intrassent ad deprædandam terram ipsorum, nunquam aliquis ipsorum sano capite rediisset.

Anno Domini MCCCXVII. Joannes Papa Beatum Lodovicum Germanum Roberti Regis Sicilia Ordinis fratrum minorum canonizavit, & præcepit diem natalis sui, V. die post Assumptionem Beatae Virginis celebrari.

C A P. CCCXXV.

De

Combustione suburbii castri Gedemini & cæteris.

Eodem